



Inatsisartunut ilaasortaq  
Kim Kielsen  
-/maani

## **Peqqinnissaqarfimmut timmisartuussinerit neqeroorutaanissaat pillugu § 36 naapertorlugu apeqqummut akissut**

6. april 2010  
Sagsnr. 2010-028405  
Dok. Nr. 345414

Peqqissutsimut Naalakkersuisutut apeqquinnut qujavunga.

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@gh.gl  
www.nanoq.gl

MEDEVAC-imik timmisartuussinertut taaneqartartunut, tassa nunatsinni peqqinnissaqarfimmut napparsimasunik pilertortumik angallassinernut neqerooruteqartitsinissaq 2009-mi piareersarneqalerpoq. Taamaattorli 2009-mi novembarimi Naalakkersuisut aalajangerput neqerooruteqartitsisoqassanngitsaq (Naalakkersuisut 9/12 2009-mi ataatsimiinernerannit imaqarniliaq). Peqqissutsimut Pinaveersaartitsinermullu Aqutsisoqarfiup aamma Peqqissutsimut Naalakkersuisoqarfiup kaammattuutaat tunuliaqutaralugit taamatut aalajangiisoqarpoq.

Sullissinernik pisinerit akit unammillersinnaanerpaat tunaartaralugit pinissaat Namminersorlutik Oqartussani immikkoortortaqrifiit qularnaagassaraat. Taamaattumik avataanit sullissisunit neqerooruteqartitsisarneq peqqinnissaqarfimmi Peqqissutsimullu Naalakkersuisoqarfimmi suleriaaserineqarpoq. Kiffartuussinissamilli isumaqatigiissutit neqerooruteqartitsiviuneq ajorput.

Sullissinernik inuunermik ulorianartorsiortoqartillugu pingaaruteqarluinnarsinnaasunik neqerooruteqartoqarnissaani pisariaqarpoq toqqaanerup sullissiniartumut sanioqquneqarsinnaanngitsunik arlalinnik piumasaqateqartoqarnissaa. Napparsimasunik angallassinernit aalajaatumik, ingerlalluatumik misilittagaqarfiusumillu pisariaqarput, tassami taakku pisuni soorlu ajutoortoqartillugu uummatillu taqaatigut milittoortoqartillugu napparsimasup annannissaanut aalajangiisuukkajuttarmata. Taamaattumik sullissisup tungaviusumik:

- Napparsimasunik pilertortumik angallassinermi nunarput tamakkerlugu ataqatigiissumik kiffartuussisinaanissaa
- Akuersissutinik allagartanillu pisariaqartinneqartunik pigisaqarnissaa
- Napparsimasunik pilertortumik angallassinermik misilittagaqarluarnissaa
- Sila atoruminaatsillugu illoqarfinnik, nunaqarfinnik il.il. timmisartuussinermik misilittagaqarnissaa
- Sumiiffinnit arlalinnit sumiiffinnullu arlalinnut ataatsikkut napparsimasunik pilertortumik angallassininaanissaa
- Sulisunik napparsimasoqartillugu teknikikkullu ajornartorsiuteqartoqartillugu atortunik sulisussanillu sillimmateqarnissaa.

Tassa imaappoq MEDEVAC-imik timmisartuussisoq ass. ulloq unnuarlu marlunnit amerlanerusunik timmisartunik piareersimasuuteqassasoq, nakorsaaserinermi atortunik angallassinissaq siunertaralugu timmisartunik aqqissuussisimassasoq, kiisalu ulloq unnuarlu timmisartortartunik ikinnerpaamik marlunnik piareersimasoqartuarnissamut naammartunik timmisartortartoqassasoq.

Air Greenland ukiorpaalussuannngortuni timmisartunik helikopterinillu nuna tamakkerlugu upalungaarsimasuuteqalersimavoq ullumikkut nunatsinni peqqinnissaqarfimmut taassuminngalu atuisunut ajunngitsumik sullissiviusumik. Aammattaaq Air Greenlandip a-

ngallassissutini napparsimasunik angallassinermut nakorsaaserinermilu atortunut sivisunerusumik angallassinermi pisariaqartinneqartunut naleqqussarsimavai.

Nalunngilara peqqinnissaqarfiup napparsimasunik angallassinissaata isumagineqarnissaanut periarfissat eqqartorneqarnissaat siunertaralugu nunanit allanit nunatsinniillu soqutiginnittunit uannut, Naalakkersuisuumasunut peqqinnissaqarfimmilu allaffeqarfimmut saaffiginnittoqartarsimasoq.

Inussiarnersumik inuulluaqqusillunga

Agathe Fontain